

四庫全書

集部

欽定四庫全書

集部

御定全唐詩卷四百

七十七至
八十一

詳校官庶吉士 臣胡鈺

主事銜 臣徐坤 覆勘

總校官知縣 臣 繆 琪

校對官中書 臣 陸 湘

謄錄監生 臣 王 官

欽定四庫全書

御定全唐詩卷四百七十七

李涉

李涉洛陽人初與弟渤同隱廬山後應陳許辟憲宗時
為太子通事舍人尋謫峽州司倉參軍太和為太學
博士復流康州自號清谿子集二卷今編詩一卷

懷古

尼父未適魯屢屨迷津徒懷教化心紆鬱不能伸一

遇知己言萬方始喧喧至今百王則孰不挹其源

詠古

大智思濟物道行心始休垂綸自消息歲月任春秋紂
虐武既賢風雲固可求順天行殺機所向協良謀況以
丈人師將濟安川流何勞問枯骨再取陰陽籌霸國不
務仁兵戈恣相酬空令渭水迹千古獨悠悠

題清溪鬼谷先生舊居

翠壁開天池青崖列雲樹水容不可狀杳若清河霧常

聞先生教指示秦儀路二子才不同逞詞過尺度偶因
從吏役遠到冥棲處松月想舊山煙霞了如故未遑鍊
金鼎日覺容光暮萬慮隨境生何由返真素寂寞天籟
息清迥鳥聲曙回首望重重無期挹風馭

感興

隋氏造宮闕峨峨倚雲煙搜竒竭四海立制謀千年秦
兵半夜來烈火焚高臺萬人聚筋血一旦為塵埃君看
汴河路尚說隋家柳但問哭陵人秋草沒來久

鷓鴣詞二首

湘江煙水深沙岸隔楓林何處鷓鴣飛日斜斑竹陰二

女空

一作虛

垂淚三閭枉自沉惟有鷓鴣啼獨傷行客心

越岡連越井越鳥更南飛何處鷓鴣啼夕煙東嶺歸嶺

外

一作頭

行人少天涯北客稀鷓鴣啼別處相對淚沾衣

山中

無奈牧童何放牛喫我竹隔林呼不應叫笑如生鹿欲

報田舍翁更深不歸屋

寄荊娘寫真

章華臺南莎草齊長河柳色連金堤青樓曛曩曙光蚤
梨花滿巷鶯新啼章臺玉顏年十六小來能唱西梁曲
教坊大使久知名郢上詞人歌不足少年才子心相許
夜夜高堂夢雲雨五銖香帔結同心三寸紅牋替傳語
綠池並戲雙鴛鴦田田翠葉紅蓮香百年恩愛兩相許
一夕一作日不見生愁腸上清仙女徵遊伴欲從湘靈住
河漢只愁陵谷變人寰空歎桑田歸海岸願分精魄定

形影永似銀壺挂金井
召得丹青絕世工
寫真與身真
相同忽然相對兩不語
疑是妝成來鏡中
豈期人願天
不違雲輦却駐從山歸
畫圖封裹寄箱篋
洞房艷艷生
光輝良人翻作東飛翼
却遣江頭問消息
經年不得一封書
翠幕雲屏透空壁
結客有少年名總身姓江
征帆
三千里前月發豫章知
我別時言識我
馬上郎恨無羽翼
飛使我徒怨滄波
長開篋取畫圖
寄我形影與客將
如今憔悴不相似
恐君重見生悲傷
蒼梧九疑在何處

斑斑竹淚連瀟湘

與弟渤新羅劍歌

我有神劍異人與暗中往往精靈語識者知從東海來
來時一夜因風雨長河臨曉北斗殘秋水露背青螭寒
昨夜大梁城下宿不借趺跌光顏看刃邊颯颯塵沙缺
瘡痕半是蛟龍血雷煥張華久已無沉寃知向何人說
我有愛弟都九江一條直氣今無雙青光好去莫惆悵
必斬長鯨須少壯

六歎

并序 本六
首今存三首

五噫四愁九歌七啟皆創文者立意之終紀其數
而名之也清江白雲孤山遠嶼皆得時之人吟咏
性情耳余無暇於是焉窮居歲陰偶懷無怵因追
感聞見成文六篇目曰六歎懼質文之不備復何
全於比興乎錄之私齋以示同道格韻枯缺多慙
見知

綺羅

一作
幘

香風翡翠車清明獨傍芙蓉渠上有雲鬢洞

仙女垂羅掩縠煙中語風月頻驚桃李時滄波久別鴛
鴻侶欲傳一札孤飛翼山長水遠無消息却鎖重門一
院深半夜空庭明月色

深院梧桐夾金井上有轆轤青絲索美人清晝汲寒泉
寒泉欲上銀餅落落迢迢碧甃千餘尺竟日倚闌空歎息

惆悵不來照明鏡却掩洞房抱

一作
花

寂寂

漢臣一没丁零塞牧羊西過陰沙外朝憑南鴈信難回
夜望北辰心獨在漢家茅土橫九州高門長戟封

一作
分

王侯但將鐘鼓悅私愛肯以犬羊

一作戎

為國羞夜宿

一作

夜夜

寒雲卧冰雪嚴風觸刃垂旌節丁年奉使白頭歸泣

盡李陵衣上血

春山三竭來

釣魚竭來春日暖沿溪不厭舟行緩野竹初栽碧玉長
澄潭欲下青絲短昔人避世兼避讐暮棲雲外朝悠悠
我今無事亦如此赤鯉忽到長竿頭汎汎隨波凡幾里
碧莎如煙沙似砥瘦壁橫空怪石危山花鬪日禽爭水

有時帶月歸扣舷身閒自是漁家仙

山上竭來採新茗新花亂發前山頂瓊英動搖鍾乳碧
叢叢高下隨崖嶺未必蓬萊有仙藥能向鼎中雲漠漠
越甌遙見裂鼻香欲覺身輕騎白鶴

採藥竭來藥苗盛藥生只傍行人徑世人重耳不重目
指似藥苗心不足野客住山三十載妻兒共寄浮雲外
小男學語便分別已辯君臣知匹配都市廣長開大鋪
疾來求者多相悞見說韓康舊姓名識之不識先相怒

牧童詞

朝牧牛牧牛下江曲夜牧牛牧牛度村谷

一作村口

荷蓑

一作

笠

出林春雨細蘆管卧吹莎草綠亂插蓬蒿箭滿腰不

怕猛虎欺黃犢

醉中贈崔膺

與君兄弟匡嶺故與君相逢楊子渡白浪南分吳塞雲
綠楊深入隋宮路隋家文物今雖改舞館歌臺基尚在
煬帝陵邊草木深汴河流水空歸海古今悠悠人自別

此地繇華終未歇大道青樓夾翠煙瓊墀繡帳開明月
與君一言兩相許外捨形骸中爾女揚州歌酒不可追
洛神映箔湘妃語白馬黃金為身置誰能獨羨他人醉
暫到香爐一夕間能展愁眉百世一作年事君看白日光
如箭一度別來顏色變早謀侯印佩腰間莫遣看花鬢
如霰

岳陽別張祐

十年蹭蹬為逐臣鬢毛白盡巴江春鹿鳴猿嘯雖寂寞

水蛟山魅多精神山瘡困中聞有赦死灰不望光陰借
半夜州符喚牧童虛教衰病生驚怕巫峽洞庭千里餘
蠻陬水國何親疎由來真宰不宰我徒勞歎者懷吹噓
霸橋昔與張生別萬變桑田何處說龍蛇縱在沒泥塗
長衢却為駑駘設愛君氣堅風骨峭文章真把江淹笑
洛下諸生懼刺先烏鳶不得齊鷹鷄岳陽西南湖上寺
水閣松房遍文字新釘張生一首詩自餘吟著皆無味
策馬前途須努力莫學龍鍾虛歎息

寄河陽從事楊潛

憶昨天台尋石梁，赤城枕下看扶桑。
金烏欲上海如血，翠色一點蓬萊光。
安期先生不可見，蓬萊目極滄海長。
回舟偶得風水便，煙帆數夕歸瀟湘。
瀟湘水清巖嶂曲，夜宿朝遊常不足。
一自無名身事閒，五湖雲月偏相屬。
進者恐不禁，退者恐不深。魚遊鳥逝兩雖異，彼此各有遂生心。
身解耕耘妾能織，歲晏飢寒免相逼。
稚子纔年七歲餘，漁樵一半分渠力。
吾友從軍在河上，腰佩吳鉤

佐飛將偶與嵩山道士期西尋汴水來相訪見君顏色
猶憔悴知君未展心中事落日驅車出孟津高歌共歎
傷心地洛邑秦城少年別兩都陳事空聞說漢家天子
不東遊古木行宮閉煙月洛濱老翁年八十西望殘陽
臨水泣自言生長開元中武皇恩化親霑及當時天下
無甲兵雖聞賦斂毫毛輕紅車翠蓋滿衢路洛中歡笑
爭逢迎一從戎馬來幽薊山谷虎狼無捍制九重宮殿
閉豺狼萬國生人自相噬蹭蹬瘡痍今不平干戈南北

常縱橫中原膏血焦欲盡四郊貪將猶憑陵秦中豪寵
爭出羣巧將言智寬明君南山四皓不敢語渭上釣人
何足云君不見昔時槐柳八百里路傍五月清陰起只
今零落幾株殘枯根半死黃河水

重登滕王閣

滕王閣上唱伊州二十年前向此遊半是半非君莫問
好山長在水長流

重到襄陽哭亡友韋壽朋

故人墳樹立秋風伯道無兒跡便空重到笙歌分散地
隔江吹笛月明中

再至長安

十年謫宦鬼方人三遇鴻恩始到秦今日九衢騎馬望
却疑渾是剎那身

贈道器法師

冰作形

一作儀

容雪作眉早知談論兩川知如今不用空

求佛但把令狐宰相詩

廬山得元侍御書

慙君知我命龍鍾一紙書來意萬重正著白衣尋古寺
忽然郵遞到雲峰

竹枝詞

一作歌

荆門灘急水潺潺兩岸猿啼煙滿山渡頭少年
官去月落西陵望不還

一作少年少應

巫峽雲開神女祠綠潭紅樹影參差不勞
相問無義灘頭剝別離

一作下牢

戍口初

石壁千重樹萬重白雲斜掩碧芙蓉昭君溪上年年月

偏照一作獨自嬋娟色最濃

十二峰頭月欲低空聆一作濛濛又作溼灘上子規啼孤舟一夜

東歸客泣向東一作春風憶建溪

京口送朱晝之淮南一作寄贈妓人

兩行客淚愁中落萬樹山花雨後一作裹殘君到揚州見

桃葉為傳風水渡江難

題鶴林寺僧舍寺在鎮江

終日昏昏醉夢間忽聞春盡強登山因過竹院逢僧話

又

一作
偷

得浮生半日閒

重過文上人院

南隨越鳥北燕鴻松月三年別遠公無限心中不平事
一宵清話又成空

雙峰寺得舍弟書

暫入松門拜祖師殷勤再讀塔前碑回頭忽向

一作
見尋

陽使太守如今是惠持

木蘭花

碧落真人著紫衣
始堪相並木蘭枝
今朝繞郭花看遍
盡是深村田舍兒

過招隱寺

每憶中林訪惠持
今來正遇早春時
自從休去無心事
唯向高僧說便知

酬舉生許遇山居

琉璃潭上新秋月
清淨泉中智惠珠
不似本宗疎二教

許過雲壑訪潛夫

春晚遊鶴林寺寄使府諸公

野寺尋花春已遲背巖唯有兩三枝明朝攜酒猶堪賞

一作為報春風且莫吹

題開聖寺

宿雨初收草木濃羣鴉飛散下堂鐘長廊無事僧歸院
盡日門前獨看松

奉使淮南

漢使徵兵詔未休兩行

一作南行

旌旆接揚州試上高樓望

春色一年風景盡堪愁

登北固山亭

海繞重山江抱城隋家宮苑此分明居人不覺三吳恨

却笑關河

一作山

又戰爭

秋日過員太祝林園

望水尋山二里餘竹林斜到地仙居秋光何處堪消日

玄晏先生滿架書

題武關

來往悲歡萬里心
多從此路計浮沉
皆緣不得空門要
舜葬蒼梧直至今

題溫泉

一本此下有宮字

能使時平四十春
開元聖主得賢臣
當時姚宋并燕許
盡是驪山從駕人

經涇川館寄使府羣公

涇川水竹十家餘
漁艇蓬門對岸居
大勝塵中走鞍馬

與他軍府判文書

葺夷陵幽居

負郭依山一徑深
萬竿如束翠沉沉
從來愛物多成癖
辛苦移家為竹林

再遊頭陀寺

無因暫泊魯陽戈
白髮兼愁日日多
只恐雪晴花便盡
數來山寺亦無他

看射柳枝

玉弣朱絃敕賜弓新加二斗得秋風萬人齊看翻金勒
百步穿楊逐箭空

寄峽州韋郎中

年過五十鬢如絲不必前程更問師幸得休耕樂堯化
楚山深處最相宜

贈田玉卿

長安里巷舊鄰居未解梳頭五歲餘今朝嫁得風流婿
歌舞閑時看讀書

題招隱寺即戴顓舊宅

兩崖古樹千般色一井寒泉數丈水欲問前朝戴居士

野煙秋色

一作草

是丘陵

山居送僧

一本題上有青溪二字

失意因休便買山白雲深處寄柴關若逢城邑人相問
報道花時也不閒

過襄陽上于司空頌

方城漢水舊城池陵谷依然世自移歇馬獨來尋故事

逢人唯說峴山碑

送魏簡能東遊二首

獻賦論兵命未通却乘羸馬出

一作去

關東灞陵原上重

回首十載長安似

一作是

夢中

燕市悲歌又送君
目隨征鴈過寒雲
孤亭宿處時看劍
莫使塵埃蔽斗文

中秋夜君山臺望月

大堤花裏錦江前
詩酒同遊四十年
不料中秋最明夜

洞庭湖上見當天

酬彭伉

公孫閣裏見君初
衣錦南歸二十餘
莫歎屈聲猶未展
同年今日在中書

硤石遇赦

天網初開釋楚囚
殘骸已廢自知休
荷蓑不是人間事
歸去滄江有釣舟

贈龍泉洞塵上人

八十山僧眼未昏，獨尋流水到窮源。
自言共得龍神語，擬作茅菴住洞門。

題湖臺

山有松門江有亭，不勞他處問青冥。
有時帶月牀舁到，一陣風來酒盡醒。

送妻入道

人無回意似波瀾，琴有離聲為一彈。
縱使空門再相見，還如秋月水中看。

遇湖州妓宋態宜二首

曾識

一作嘗憶

雲仙至小時芙蓉頭上綰青絲當時驚覺高

唐夢唯有如

一作而

今宋玉知

陵陽夜會

一作讌

使君筵解語花枝出

一作在

眼前一

一作自

從明月西沉海不見嫦娥二十年

逢舊二首

碧落高高雲萬重當時孤鶴去無蹤不期陵谷遷朝市

今日遼東特地逢

將作乘槎去不還，便尋雲海住三山。
不知留得支機石，却逐黃河到世間。

潤州聽暮角

一作晚泊
潤州聞角

江孤

一作

城吹角水茫茫，曲引邊聲

一作風
引胡笳

怨思長驚起。

暮天沙上鴈海門，斜去兩三行。

頭陀寺看竹

寺前新笋已成竿，策馬重來獨自看。
可惜班皮空滿地，無人解取作頭冠。

奉使京西

盧龍已復兩河平烽火樓邊處處耕何事書生走羸馬
原州城下又添兵

題連雲堡

由來天地有關扃斷壑連山接杳冥一出縱知邊上事
滿朝誰信語堪聽

再宿武關

一作從秦城
回再題武關

遠別秦城萬里遊亂山高下出商州關門不鎖寒溪水

一夜潺湲

一作潺湲

送客愁

長安悶作

宵分獨坐到天明又策羸驂信脚行每日除書空

一作雖

滿紙不曾聞有介推名

和尚書舅見寄

欲隨流水去幽棲喜伴歸雲入虎溪深謝陳蕃憐寂寞
遠飛芳字警沉迷

送王六觀巢縣叔父二首

巢岸南分戰鳥山水雲程盡到東關弦歌自是君家事
莫怪今來一邑閒

長憶山陰舊會時王家兄弟盡相隨老來放逐瀟湘路

淚滴秋風引一作別獻之

偶懷

轉知名一作久官是悠悠分付空源始到頭待送妻兒下

山了便隨雲水一生休

秋夜題夷陵水館

凝碧初高海氣秋
桂輪斜落到江樓
三更浦上巴歌歇
山影沉沉水不流

與梧州劉中丞

三代盧龍將相家
五分符竹到天涯
瘴山江上重相見
醉裏同看苜蓿花

聽多美唱歌

黃鶯慢轉一作轉語引秋蟬衝斷行一作浮雲直入天一曲梁

州聽初了為君別
唱想夫憐

題澗飲寺

百年如夢竟何成
白髮重來此地行
還似蕭郎許玄度
再看庭石悟前生

題蘇仙宅枯松

幾年蒼翠在仙家
一旦枝枯類海槎
不如酸澁棠梨樹
却占高城獨放花

山居

一從身世兩相遺
往往關門到午時
想得俗流應大笑

不知年老識便宜

聽鄰女吟

含情遙夜幾人知
閒詠風流小謝詩
還似霓旌下煙露
月邊吹落上清詞

題宇文秀才櫻桃

風光莫占少年家
白髮殷勤最戀花
今日顛狂任君笑
趁愁得醉眼麻茶

漢上偶題

謫仙唐世游茲郡花下聽歌醉眼迷今日漢江煙樹盡
更無人唱白銅鞮

送楊敬之倅湖南

久嗟塵匣掩青萍見說除書試一聽聞君却作長沙傅
便逐秋風過洞庭

送孫堯夫赴舉

自說軒皇息戰威萬方無復事戎衣却教孫子藏兵法

一作
術 空把文章向禮闈

題水月臺

平流白日無人愛
橋上閒行若箇知
水似晴天天似水
兩重星點碧琉璃

早春霽後發頭陀寺寄院中

紅樓金刹倚晴岡
雨雪初收望漢陽
草檄可中能有暇
迎春一醉也無妨

哭田布

魏師臨陣却抽營
誰管豺狼作信兵
縱使將軍能伏劍

何人島上哭田橫

黃葵花

此花莫遣俗人看
新染鵝黃色未乾
好逐秋風上天一作

上天去紫陽宮女耍頭冠

別南溪二首

如雲不厭蒼梧遠
似鴈逢春又北飛
唯有隱山溪上月
年年相望兩依依

常歎春泉去不回
我今此去更難來
欲知別後留情處

手種巖花次第開

井欄砂宿遇夜客

涉嘗過九江至皖口遇盜問何人從者曰李博士也其豪

首曰若是李涉博士不用剽奪久聞詩名願題一篇足矣涉遂贈詩云云

暮

一作春

雨蕭蕭江上村綠林豪客夜知聞

一作敲門

他時不

用逃名姓

一作他時不用相迴避一作相逢不必論相識

世上如今半是君

謝王連州送海陽圖

謝家為郡實風流畫得青山寄楚囚驚起草堂寒氣晚
海陽潮水到牀頭

再謫夷陵題長樂寺

當時謫宦向夷陵
願得身閒便作僧
誰知漸漸因緣重
羞見長燃一盞燈

譴謫康州先寄弟渤

唯將直道信蒼蒼
可料無名抵憲章
陰隲却應先有謂
已交鴻鴈早隨陽

贈廖道士

膏已明煎信矣哉
二年人世不歸來
庭前為報仙桃樹

今歲花時好好開

山花

六出花開赤玉盤
當中紅濕耐春寒
長安若在五侯宅
誰肯將錢買牡丹

聽歌

颯颯先飛梁上塵
朱脣不動翠眉顰
願得春風吹更遠
直教愁殺滿城人

送顏覺赴舉

顏子將才應四科料量時輩更誰過居然一片荆山玉
可怕無人是卞和

題五松驛

雲木蒼蒼數萬株此中言命的應無人生不得如松樹
却遇秦封作大夫

湘妃廟

斑竹林邊有古祠鳥啼花發盡堪悲當時惆悵同今日
南北行人可得知

贈長安小主人

上清真

一作童

子玉童

一作真

顏花態嬌羞月思閒仙路迷

人應有術桃源不必在深山

邠州詞獻高尚書三首

單于都護再分疆西引雙旌出帝鄉朝日詔書添戰馬
即聞千騎取河湟

將家難立是威聲不見多傳衛霍名一自元和平蜀後
馬頭行處即長城

朔方忠義舊來聞盡是邠城父子軍今日兵符歸上將
旄頭不用更妖氛

游西林寺

十地初心在此身水能生月即離塵如今再結林中社
可羨當年會裏人

題白鹿蘭若

只去都門十里強竹陰流水遶回廊滿城車馬皆知有
每喚同游盡道忙

寄趙準乞湘川山居

閒說班超有舊居
山橫水曲占商於
知君不用磻溪石
乞取終年獨釣魚

曉過函谷關

因韓為趙兩游秦
十月冰霜渡孟津
縱使鷄鳴遇關吏
不知余也是何人

奉和九弟渤見寄絕句

忽啓新緘吟近詩
詩中韻出碧雲詞
且喜陟岡愁已散

登舟只恨渡江遲

贈友人孩子

驪龍領下亦生珠
便與人間衆寶殊
他時若要追風日
須得君家萬里駒

奉宣慰使魚十四郎

年纔二十衆知名
孤鶴儀容徹骨清
口傳天語來人世
却逐祥雲上玉京

題善光寺

雲門天竺舊姻緣
臨老移家住玉泉
早到中澗南寺
免得翻經住幾年

題宣化寺道光上人居

二十年前不繫身
草堂曾與雪為鄰
常思和尚當時語
衣鉢留將與此人

柳枝詞

錦池江上柳垂橋
風引蟬聲送寂寥
不必如絲千萬縷
只禁離恨兩三條

竹枝詞

十二山晴花盡開
楚宮雙闕對陽臺
細腰爭舞君沉醉
白日秦兵天下來

竹裏

竹裏編茅倚石門
竹莖疎處見前村
閒眠盡日無人到
自有春風為掃門

失題

華表千年一鶴歸
丹砂為頂雪為衣
泠泠仙語人聽盡

却向五雲翻翅飛

御定全唐詩卷四百七十七

欽定四庫全書

御定全唐詩卷四百七十八

陸暢

陸暢字達夫吳郡人元和元年登進士第為皇太子僚屬後官鳳翔少尹詩一卷

雲安公主下降

一本無此六字

奉詔作催粧詩

順宗女下嫁劉

士涇百僚舉

暢為儷相

雲安公主貴出嫁五侯家天母親調粉日兄憐賜花催

鋪百子帳待障七香車借問妝成未東方欲曉霞

山出雲

靈山蓄雲彩紛郁出清晨望樹繁花白看峰小雪新映
松張蓋影依澗布魚鱗高似從龍處低如觸石頻濃光
藏半岫淺色類飄塵玉葉開天際遙憐占早春

驚

一作雪

怪得北風急前庭如月輝天人寧許一作底巧翦水作花

飛

聞早蟬

落日早蟬急客心聞更愁一聲來枕上夢裏故園秋

別劉端公

連騎出都門秋蟬噪高柳落日辭故人自醉不闌酒

新晴愛月

一作山齋玩月

野性平生惟愛

一作好

月新晴半夜覩嬋娟起來自擘紗

窗破恰

一作教

漏清光落枕前

雲安公主出降雜詠催妝二首

一作為儂相詩六首

天上瓊花不避秋，今宵織女嫁牽牛。
萬人惟待乘鸞出，乞巧齊登明月樓。

少妝銀粉飾金鈿，端正天花貴自然。
聞道禁中時節異，九秋香滿鏡臺前。

坐障

白一作碧玉為竿，丁字成黃金。
一作鴛鴦繡帶短長輕，一作磬强

遮天上花顏色，不隔雲中語笑聲。

簾

勞將素手捲蝦鬚
瓊室流光更綴珠
玉漏報來過半夜

可憐潘岳立踟躕

一本作真珠文織挂簷端錦緣羅旌
千萬端早把玉鉤和月卷神仙愁怕

寒
水晶

階

甃玉編金次第平
花紋隱起踏無聲
幾重便上華堂裏
得見天人吹鳳笙

扇

寶扇持來入禁宮
本教花下動香風
姮娥須逐彩雲降

不可通宵在月中

解內人朝

一作酬宮人 時內人以暢吳音才捷作詩朝之暢酬詩云云

粉面仙郎選聖朝
偶逢秦女學吹簫
須教翡翠聞王母
不奈烏鳶噪鵲橋

成都贈別席夔

不值分流二江水
定應猶得且同行
三千里外情人別
更被子規啼數聲

遊城東王駙馬亭

城外無塵水間松秋天木落見山容共尋蕭史江亭去
一望終南紫閣峰

望毛女峰

我種東峰千葉蓮此峯毛女始求仙今朝暗筭當時事
已是人間七萬年

送李山人歸山

來從千山萬山裏歸向千山萬山去山中白雲千萬重
却望人間不知處

長安新晴

九重深淺人不知金殿玉樓倚朝日
一夜城中新雨晴
御溝流得官花出

出藍田關寄董使君

萬里煙蘿錦帳間雲迎水送度藍關
七盤九折難行處
盡是龔黃界外山

題悟公禪堂

臨壇付法十三春家本長城若下人
芸閣少年應不識

南山鈔主是前身

宿陝府北樓奉酬崔大夫二首

樓壓黃河山滿坐風清水涼誰忍卧人定軍州禁漏傳
不妨秋月城頭過

一別朱門三四春再來應笑尚風塵昨宵唯有樓前月
識是謝公詩酒人

陝州逢竇鞏同宿寄江陵韋協律

共出丘門歲九霜相逢悽愴對離觴荆南為報韋從事

一宿同眠御史牀

夜到泗州酬崔使君

徐城洪盡到淮頭
月裏山河見泗州
聞道泗濱清廟磬
雅聲今在謝家樓

送崔員外使回入京金鉤驛逢因贈

一本無
下六字

六星宮裏一星歸
行到金鉤近紫微
侍史別來經歲月
今宵應夢護香衣

成都送別費冠卿

紅椒花落桂花開萬里同遊俱未回
莫厭客中頻送客
思鄉獨上望鄉臺

題高山廟

商洛秦時四老翁人傳羽化此山空
若無仙眼何由見
總在廟前花洞中

題獨孤少府園林

四面青山是四隣煙霞成伴草成茵
年年洞口桃花發
不記曾經迷幾人

送獨孤秀才下第歸太白山

逸翮暫時成落羽將歸太白賞靈蹤
須尋最近碧霄處擬倩和雲買一峯

下第後病中

獻玉頻年命未通窮秋成病悟真空
笑看朝市趨名者不病那知在病中

送深上人歸江南

留得蓮花偈付誰獨携金策欲歸時
江南無限蕭家寺

曾與白雲何處期

題自然觀

劔閣門西第一峯
道陵成道有高蹤
行人若上升仙處
須撥白雲三四重

疾愈步庭花

桃紅李白覺春歸
強步閒庭力尚微
從困不扶靈壽杖
恐驚花裏早鶯飛

籌筆店江亭

九折巖邊下馬行
江亭暫歇聽江聲
白雲綠樹不關我
枉與樵人樂一生

贈賀若少府

十日廣陵城裏住
聽君花下撫金徽
新聲指上懷中紙
莫怪潛偷數曲歸

太子劉舍人邀看花

年少風流七品官
朱衣白馬冶遊盤
負心不報春光主
幾處偷看紅牡丹

薔薇花

錦窠花朵燈叢醉翠葉眉稠
裊露垂莫引美人來架下
恐驚紅片落燕支

句

蜀道易易於履平地

蜀道易

蟬噪入雲樹風開無主花

崔諫

議林
亭

御定全唐詩卷四百七十八

欽定四庫全書

御定全唐詩卷四百七十九

柳公權

柳公權字誠懸公綽之弟精於書學元和初擢進士第
穆宗時拜右拾遺侍書學士改弘文館學士文宗復召
侍書尋以諫議為學士知制誥轉工部侍郎咸通初改
太子少師詩五首

應制賀邊軍支春衣

去歲雖無戰今年未得歸皇恩何以報春日得春衣
挾纊非真纊分衣是假衣從今貔虎士不憚戍金微

應制為宮嬪詠

太平廣記云武宗嘗怒一宮嬪久之既而復召謂公權曰朕怪

此人若得學士一篇當釋然矣公權畧不行思而成一絕上大悅賜錦綵二百疋命宮人上前

拜謝之

不分前時忤主恩已甘寂寞守長門今朝卻得君王顧
重入椒房拭淚痕

題朱審寺壁山水畫

朱審偏能視夕嵐
洞邊深墨寫秋潭
與君一顧西牆畫
從此看山不向南

閩門即事

耕夫占募逐樓船
春草青青萬頃田
試上吳門看郡郭
清明幾處有新煙

吳武陵

吳武陵信州人
元和初擢進士第
竇易直判度支表武
陵主鹽北邊入為
太學博士太和
中出刺韶州尋貶潘

州司戶參軍詩一卷今存二首

貢院樓北新栽小松

拂檻愛貞容移根自遠峰
已曾經草沒終不任苔封
葉少初陵雪鱗生欲化龍
乘春濯雨露得地近垣墉
逐吹香微動含煙色漸濃
時迴日月照為謝小山松

題路左佛堂

雀兒來逐颺風高下視
鷹鷂意氣豪自謂能生
千里翼

黃昏依舊委

一作蓬蒿

韋處厚

韋處厚字德載京兆人元和初登第又擢賢良方正異
等授秘書郎兼史職改咸陽尉遷右拾遺轉考功員外
出為開州刺史入拜戶部郎中知制誥穆宗召入翰林
為侍講學士改中書舍人文宗即位拜兵部侍郎尋以
中書侍郎同平章事集七十卷今存詩十二首

盛山十二詩

隱月岫

初映鈎如線終銜鏡似鈎
遠澄秋水色高倚曉河流

流栢渠

激曲縈飛箭浮溝泛滿卮
將來山太守早向習家池

竹巖

不資冬日秀為作暑天寒
先植誠非鳳來翔定是鸞

繡衣石榻

為溫侍御置

嶢一作嶠

嶢雪一作嶠中嶠磊磊

一作落

標方峭勿為枕蒼山還當

礎清廟

宿雲亭

雨合飛危砌天開卷曉窗
齊平聯郭柳帶繞抱城江

梅谿

夾岸凝清素交枝漾淺淪
味調方薦實臘近又先春

桃塢

噴日舒紅景通蹊茂綠陰
終期王母摘不羨武陵深

胡盧沼

流鑿徒為巧圓窪自可澄
倒花紛錯秀鑑月靜涵冰

茶嶺

顧渚吳商絕，蒙山蜀信稀。
千叢因此始，含露紫英肥。

盤石磴

繚繞綠雲上，璘玢玳玉聯。
高高曾幾折，極目瞰秋鳶。

琵琶臺

褊地難層土，因厓遂削成。
淺深嵐嶂色，盡向此中呈。

上士竝泉

為柳律
師置

綆汲豈無井，顛崖貴非浚。
願灑塵垢餘，一雨根莖潤。

楊敬之

楊敬之字茂孝元和初登進士第擢累屯田戶部二郎
中坐李宗閔黨貶連州刺史文宗向儒術以敬之為國
子祭酒詩二首

客思吟

禾黍正離離南園翦白芝細腰沈趙女高髻唱蠻姬路
愧前岡月梳慚一領絲鄉人不可語獨念畏人知

贈項斯

幾度見詩詩總好及觀標格過於詩平生不解藏人善
到處逢人說項斯

句

霜樹烏樓夜空街雀報明 碧山相倚暮歸鴈一行斜

並見張為

主客圖

李虞仲

李虞仲字見之端之子元和初登進士第累官中書舍
人知制誥終吏部侍郎詩集四卷今存一首

初日照鳳樓

旭日煙雲殿朝陽燭帝居斷霞生峻宇通閣麗晴虛流
彩連朱檻騰輝照綺疏瞳矐晨景裏明滅曉光初戶牖
仙山近軒楹鳳翼舒還如玉母過遙度五雲車

張又新

張又新字孔昭工部侍郎薦之子元和中擢第歷左右
補闕坐李逢吉黨貶江州刺史後附李訓遷刑部郎中
訓死復貶申州刺史詩十七首

郡齋三月下旬作

以下三首一作崔護詩

春事日已歇池塘曠幽尋殘紅披獨墜初綠間淺深偃
仰倦芳褥顧步愛新陰謀春未及竟夏初遽見侵

五月水邊柳

結根挺涯涘垂影覆清淺睡臉寒未開嬾腰晴更軟搖
空條已重拂水帶方展似醉煙景凝如愁月露泣絲長
魚悞恐枝弱禽驚踐悵別幾多情含春任攀蹇

三月五日陪大夫泛長沙東湖

一作李羣玉詩

上已餘風景芳辰集遠坳綵舟浮泛蕩繡轂下娉婷棲
樹迴蔥蒨笙歌轉杳冥湖光迷翡翠草色醉蜻蜓鳥弄
桐花日魚翻穀雨萍泛今留勝會誰看畫蘭亭

贈廣陵妓

雲雨分飛二十年當時求夢不曾眠今來頭白重相見
還上襄王玳瑁筵

牡丹

一作
成婚

牡丹一朵值千金將謂送來色最深今日滿欄開似雪

一生辜負看花心

游白鶴山

末句缺一字

白鶴山邊秋復春
張文宅畔少風塵
欲驅五馬尋真隱
誰是當初關竹人

行田詩

一作白石巖

白石巖前湖水春
湖邊舊境有清塵
欲追謝守行田意
今古同憂是長人

羅浮山

江北重巒積翠濃
綺霞遙映碧芙蓉
不知未後滄溟上
減却瀛洲第幾峰

青障山

一作慈湖山

一派遠光澄
碧月萬株聳
翠獵金甍
陶仙謾學長生術
暑往寒來更寂寥

中界山

琴瑟峰頭玉水流
晉時遺跡更堪愁
愁人到此勞長望
何處煙波是祖州

帆遊山

漲海嘗從此地流
千帆飛過碧山頭
君看深谷為陵後
翻覆人間未肯休

謝池

郡郭東南積穀山
謝公曾是此躋攀
今來惟有靈池月
猶是嬋娟一水間

華蓋山

一岫坡陀凝綠草
千重虛翠透紅霞
愁來始上消歸思

見盡江城數百家

吹臺山

吹臺山上綵煙凝
日落雲收疊翠屏
應謂焦桐堪採斲
不知誰是柳吳興

青嶼山

靈海泓澄匝翠峰
昔賢心賞已成空
今朝亭館無遺制
積水滄浪一望中

孤嶼

碧水逶迤浮翠巘綠蘿蒙密婚晴江不知誰與名孤嶼
其實中川是一雙

春草池

謝公夢草一差微謫宦當時道不機且謂飛霞遊賞地
池塘煙柳亦依依

封教

封教字碩夫蓀人元和中登第會昌初以左司員外郎
召為翰林學士知制誥遷御史中丞大中中歷平盧興

元節度使終尚書右僕射翰藁八卷今存詩二首

春色滿皇州

帝里春光正
蔥蘢喜氣浮
錦鋪仙禁側
鏡寫曲江頭
紅萼開蕭閣
黃絲拂御樓
千門歌吹動
九陌綺羅游
日近風先滿
仁深澤共流
應非顛顚質
辛苦在神州

題西隱寺

三年未到九華山
終日披圖一室間
秋寺喜因晴後賞
靈峰看待足時還
援從有性留僧坐
雲靄無心伴客閒

勝事儻能銷歲月已拚名利不相關

馬植

馬植字存之扶風人元和中進士擢第歷安南招討黔
中觀察使宣宗朝以戶部侍郎同中書門下平章事尋
罷為太子賓客分司東都起忠武節度使徙宣武卒詩
一首

奉和白敏中聖道和平致茲休運歲終功就合

詠盛明呈上

舜德堯仁化犬戎許提河隴欵皇風指揮貔虎皆神算
恢拓乾坤是聖功四帥有征無汗馬七闕雖成已歿弓
天留此事還英主不在他年在大中

李廓

李廓宰相程之子登元和進士第累官潁州刺史大中
中終武寧節度使詩十八首

夏日途中

樹夾炎風路行人正午稀初蟬數聲起戲蝶一團飛日

色欺清鏡槐膏點白衣無成歸故里自覺少光輝

長安

一作漢宮

少年行

金紫少年郎繞街鞍馬光

一作狂

身從左中尉官屬右春

坊剗戴揚州帽重薰異國香垂鞭踏青草來去杏園芳

追逐輕薄伴閒遊不著緋長攏出獵馬數換打毬衣曉

日尋花去春風帶酒歸青樓無晝夜歌舞歇時稀

日高春睡足帖馬賞年華倒插銀魚袋行隨金犢車還

攜新市酒遠醉曲江花幾度歸侵黑金吾送到家

好勝耽長夜，天明燭滿樓。
留人看獨脚，賭馬換偏頭。
樂奏曾無歇，盃巡不暫休。
時時遙冷笑，怪客有春愁。

遨遊攜艷妓，裝束似男兒。
盃酒逢花住，笙歌簇馬吹。
鶯

聲催曲急，春色送

一作詩

歸遲不以聞街鼓，華筵待月移。

賞春惟逐勝，大宅可曾歸。
不樂還逃席，多狂慣衩衣。
歌

人踏日起語，燕卷簾飛。
婦好

一作好婦

唯相妬，倡樓不醉稀。

戟門連日閉，苦飲惜殘春。
開鎖通新客，教姬屈醉人。
倩

一作請

歌牽白馬，自舞踏紅茵。
時輩皆相許，平生不負身。

新年高殿上始見有光輝
玉鳳排方帶金鸞立仗衣
酒深和椀賜馬疾打珂飛
朝下人爭看香街意氣歸

遊市慵騎馬隨姬入坐車
樓邊聽歌吹簾外見鶯

一作
插釵

花樂眼從人鬧歸心畏日斜
蒼頭來去報飲伴到倡家

小婦教鸚鵡頭邊喚醉醒
犬嬌眠玉簟

一作
鼻

鷹掣憾金

鈴碧地攢花障紅泥待客亭
雖然長按曲不飲不曾聽

鷄鳴曲

星稀月沒入

一作
上

五更膠膠角角鷄初鳴
征人牽馬出

門立辭妾欲向安西行再鳴引頸簷頭下樓中角聲催
上馬纔分曙色第二三 應作鳴旌旆紅塵已出城婦人上
城亂招手夫婿不聞遙哭聲長恨鷄鳴別時苦不遣鷄
栖近窗戶

鏡聽詞

古之鏡聽猶
今之敲卦也

匣中取鏡辭竈王羅衣掩畫明月光昔時長著照容色
今夜潛將聽消息門前地黑一作
黑地人來一作
未稀無人錯
道朝夕歸更深弱體冷如鐵繡帶菱花懷裏熱銅片銅

片如有靈願照得

一作得照

見行人千里形

猛士行

戰鼓驚沙惡天色
猛士虬髯眼前黑
單于衣錦日行兵
陣頭走馬生擒得
幽并少年不敢輕
虎狼窟裏空手行

送振武將軍

葉葉歸邊騎
風頭萬里乾
金裝腰帶重
鐵

一作錦

縫耳衣

寒蘆酒燒蓬
煖霜鴻撚箭
看黃河古戍
道秋雪白漫漫

落第

榜前潛制淚衆裏自嫌身氣味如中酒情懷似別人煖
風張樂席晴日看花塵盡是添愁處深居一作宮乞過春

贈商山東于嶺僧

商嶺東西路欲分兩間茅屋一溪雲師言耳重知師意
人是人非不欲聞

上令狐舍人

名利生愁地貧居歲月移買書添架上斷酒過花時宿
客嫌吟苦乖童恨睡遲近來唯儉靜持此荅深知

御定全唐詩卷四百七十九

欽定四庫全書

御定全唐詩卷四百八十

李紳

李紳字公垂潤州無錫人為人短小精悍於詩最有名
時號短李元和初擢進士第補國子助教不樂輒去李
錡辟掌書記錡抗命不為草表幾見害穆宗召為右拾
遺翰林學士與李德裕元稹同時號三俊歷中書舍人
御史中丞戶部侍郎敬宗立李逢吉構之貶端州司馬

徙江州長史遷滁壽二州刺史以太子賓客分司東都
太和中擢浙東觀察使開成初遷河南尹宣武節度使
武宗即位召拜中書侍郎同平章事進尚書右僕射封
趙郡公居位四年以檢校右僕射平章事節度淮南卒
贈太尉謚文肅追昔遊詩三卷雜詩一卷今合編為四
卷

南梁行

江城鬱鬱春草長悠悠漢水浮青

一作清

光雜英飛盡空

書景綠揚重陰官舍靜此時醉客縱橫書公言可薦承

明廬

元和十四年故山南節度僕射崔公奏
觀察判官蒙以書奏見委常戲拙連

青天詔下

寵光至頌籍金閨徵石渠

是歲五月蒙
恩除右拾遺

祕歸山路烟嵐

隔山木幽深晚花坼澗底紅光奪火燃搖風扇毒愁行

客

駱谷中多毒樹名山琵琶其花明艷與
杜鵑花同樵者識之言曰早花殺人

杜鵑啼咽花

亦殷聲悲絕艷連

一作
憐

空山斜陽瞥映淺深樹雲雨翻

迷崖谷間山鷄錦質矜毛羽透竹穿蘿命儔侶喬木幽

谿上下同雄雌不惑

一作
異

飛棲處望秦峰迴過商顏浪

疊雲

一作波

堆萬簇山行盡杳冥青嶂外九重鐘漏紫霄

間元和列侍明光殿諫草初焚市朝變北闕趨承

一作臣

半隙塵南梁笑容

一作吟嘯

皆飛霰追思感歎却昏迷霜鬢

愁吟到曉鷄故篋歲深開斷簡秋堂月曙掩遺題

一作往

嗚嗚曉角霞輝燦撫劔當應

一作楹

一長歎芻狗無由學

聖賢空持感激

一作謝

終昏旦

趨翰苑遭誣構四十六韻

九五當乾德三千應瑞符纂堯昌聖歷宗禹盛丕圖

宗揆

正月登位畫象垂新令消兵易舊謨選賢方去智招諫忽升

愚

穆宗聽政五日蒙恩除右拾遺與淮南李公召入翰林也

大樂調元氣神功運化

鑪脫鱗超沆瀣翻翼集蓬壺捧日恩光別抽毫顧問殊

鳳形憐彩筆龍領借驪珠擲地聲名寡摩天羽翮孤潔

身酬雨露利口扇讒諛碧海同宸眷鴻毛比賤軀辨疑

分黑白舉直觥朋徒

思政面論達吉崔楨姦邪劉栖楚柏耆兇險張又新蘇景修朋黨也

庭獸方呈角階莫始効葶日傾烏掩魄星落斗摧樞

穆宗

退升隆劍悲喬岳號弓泣鼎湖亂羣逢害馬擇肉縱狂貙

逢吉守澄栖楚柏者又新等連為搏噬之徒

膽為隳肝竭心因瀝血枯滿帆

摧駭浪征棹折危途

余以戶部侍郎貶端州司馬

燕客書方詐堯門

信未孚

敬宗即位之初遭逢吉等誣構宸襟未察銜冤遂深

謗興金就鑠毀極玉

生瘡礪吻矜先搏張羅騁疾驅

余遭逢吉構成遂敬宗聽政之前一日宣命於

外竄逐

地嫌稀魍魎海恨止番禺

栖楚等見逢吉怒所貶太近

瘴嶺

衝蛇入蒸池躡虺趨望天收雪涕看鏡攬霜鬚草毒人

驚剪茅荒室未誅火風晴處扇山鬼雨中呼窮老鄉關

遠羈愁骨肉無鵲靈窺牖戶龜瑞出泥途

余到端州有紅龜一川人

李再榮來獻稱嘗有里人言吉徵也余放之於江中回頭者三四游泳前後不去久之又南中小鷁名曰蠻鷁形小如燕雀里中言此鳥不常見至而為舞必有喜應是日與龜同至於館也煙島深千瘴滄

波嶽四隅海標傳信使江棹認妻孥到接三冬暮來經

六月徂暗灘朝不怒驚瀨夜無虞

從吉州而南歷封康竝足湍瀨危險至極

其名有滅門擣鮓霸州等灘惟江水泛漲則無此患康州悅城縣有媪龍祠或能致雲雨余以書祝之家累以十月泝流龍為之三漲江水以達也俛首安羸業齊眉慰病夫涸魚思雨

潤僊燕望雷蘇詔下因頒朔恩移詎省辜

余以寶歷元年五月量移

長江州誑天猶指鹿依社尚憑狐

逢吉尚為相

度嶺瞻牛斗浮

江淬轆轤未平人睚眦誰懼鬼
擲榆盆一作浦潮通楚

匡山地接吳庾樓清桂滿遠寺
數蓮敷髻髻皆停馬悲

歡盡隙駒舊交封宿草

沈八侍郎武十五侍郎元九相公龐嚴京兆蔣防舍人皆為塵

世衰髻重生芻萬戟分梁苑雙旌
寄魯儒駸駸移歲月

冉冉近桑榆瘦馬愁千里孤鴻
念五湖終當賦歸去那

更學楊朱

憶春日太液池

一作東

亭

一作東

候對

長慶三年

宮鶯報曉

一作報

瑞烟開三島靈禽拂水迴橋轉
彩虹當

綺殿艦浮花鷁近蓬萊草承香一作步輦王孫長挑艷仙

顏阿母栽簪筆此時方侍從却思金馬笑鄒枚

憶夜直金鑾殿承旨二年

月當銀漢玉繩低深聽簫韶碧落齊門歷紫垣高綺樹

閣連青瑣近丹梯墨宣外渥催飛詔草布一作定深一作新

息促換題明日一作惟我獨歸花路遠一作近可憐人世隔雲

霓一作泥

憶春日曲江宴後許至芙蓉園

春風上苑開桃李詔許看花入御園香蓮草中迴玉勒
鳳凰池畔泛金樽綠絲垂柳遮風暗紅藥低叢拂砌繁
歸繞曲江煙景晚未央明月鎖千門

新昌宅書堂前有藥樹一株今已盈拱前長慶
中於翰林院內西軒藥樹下移得纔長一寸僕
夫封一泥丸以歸植今則長成名之天上樹

白榆星底開紅甲珠樹宮中長紫霄丹彩結心纔辨質

碧枝

一作姿

抽葉乍成

一作舒

條羽衣道士偷玄圃金簡真

人護玉苗長帶九天餘雨露近來蔥翠欲成喬

過荆門

荆江水濶煙波轉荆門路遠

一作速

山蔥蒨帆勢侵雲滅

又明山程背日昏還見青青麥隴啼飛鴉寂寞野徑棠

梨花行行驅馬萬里遠漸入煙嵐危棧賒林中有鳥飛

出

一作幽

谷月上千巖一聲哭腸斷思歸不可聞人言恨

魄來巴蜀我聽此鳥祝我魂魂死莫學

一作死勿學此

聲銜窻

縱為羽族莫棲息直上青雲呼帝閣此時山月如銜鏡

岳樹

岫一作

參差互輝映皎潔深看入澗泉分明細見樵

人徑陰森鬼廟當郵亭鷄豚日宰聞膾腥愚夫禍福自

迷惑翹翹憑何通百靈月

一作日

低山曉

一作晚

問行客已

醑椒漿拜荒陌惆悵忠貞徒自持誰祭山頭望夫石

涉沅瀟

一作湘

內缺二字

註

屈原死處瀟湘陰滄浪淼淼雲沈沈蛟龍長怒虎長嘯

山木脩脩波浪深煙橫日落驚鴻起山映餘

一作雲

霞杳

一作 緜 千里鴻叫離離入暮天霞消漠漠深雲水水靈一作

虛江暗揚波濤鼉鼉動盪風騷騷行人愁望待明月星

漢沈浮魍鬼號屈屈原爾為懷王一作忠沒水府通天化靈

物何不驅雷擊電除姦邪可憐空作沈泉一本此下有抱冤二字

骨舉杯漑酒招爾魂月影一作彩滉漾開乾坤波白一作明

水黑山隱見汨羅之上遙昏昏風帆候曉看五兩戍鼓

夔夔一作齏齏遠山響潮滿江津猿鳥啼荆夫楚語飛蠻槩

瀟湘島浦無人居風驚水暗惟鮫魚行來擊棹獨長歎

問爾精魄何所如

逾嶺嶠止荒陬抵高要

天將南北分寒燠北被羔裘南卉服寒氣凝為戎虜驕
炎蒸結作蟲虺毒周王止化惟荆蠻漢武鑿遠通孱顏
南標銅柱限荒徼五嶺從茲窮險艱衡山截斷炎方北
迴雁峰南瘴煙黑萬壑奔赴溢作瀧湍飛浪激如繩直

南人謂水為瀧如原瀑流自郴南自韶北有八瀧其名
神瀧傷瀧難附等瀧皆急險不可上南中輕舟迅疾可
入此水者因名之瀧
船善游者為瀧夫千崖傍聳猿嘯悲丹蛇玄虺潛蛟

蛇瀧夫擬檝劈高浪瞥忽浮沈如電隨嶺頭刺竹蒙籠

密火折紅蕉，焰燒日嶺上。泉分南北流，行人照水愁。腸
骨陰森石路盤，縈紆雨寒日煖常。斯須瘴雲暫卷，火山
外蒼茫。海氣窮番禺，鷓鴣猿鳥聲相續。椎髻曉呼同戚
促，百處溪灘異雨晴。四時雷電迷昏旭，魚腸雁足望緘
封地遠三江嶺，萬重魚躍豈通清遠。一作峽雁飛難度

漳江東

余在南中，日知家累以其年九月九日發衡州，因寄云：菊花開日有人逢，知過衡陽迴雁峰。江

樹送秋黃葉少，海天迎遠碧雲重。音書斷，聽蠻鶻風
水多虞祝媪龍，想見病身渾不識。自磨青鏡照衰容，慨
然追感以疏其下。又端州界有清遠峽，雲蒸地熱無霜
深險莫測，皆言水府為魚龍之限也。

雲蒸地熱無霜

霰桃李冬華匪時變天際長垂飲澗虹簷前不去銜泥

燕

南中虹四時長見見數則多颶風燕不歸蟄燕泥多沙人懼其沾污於人每逐其巢也

幸逢雷

雨盪妖昏提挈悲歡出海門西日眼明看少長北風身

醒辨寒溫賈生謫去因前席痛哭書成竟何益物忌忠

良表是非朝驅絳灌為讐敵明皇聖德異文皇不使無

辜困鬼方漢日

一作口

傳臣終委弃如今衰叟重輝光高

明白日恩深海齒髮雖殘壯心在空媿駑駘異一毛無

令朽骨慙

一作仍

千載

移九江

效何水部余自九江及今周一紀矣

秋波入白水帆去侵空小五兩劇奔星檣烏疾飛鳥益
城依落日盆浦看雲眇雲眇更蒼蒼匡山低夕陽楚客
喜風水秦人悲異鄉異鄉秋思苦江臯月華吐漾漾隱
波亭悠悠通月浦津橋歸候吏竹巷開門戶容膝有匡
牀及肩纔數堵隙光非白駒懸磬我無虞體瘦寡行立
家肥安啜哺天書憐譴謫重作朱轡客四座眼全青一
麾頭半白今來思往事往事益悽然風月同今昔悲歡

異目前四時嗟閱水一紀換流年獨有西庭鶴孤鳴白
露天

泛五湖

效謝
惠連

范子蛻冠履扁舟逸霄漢嗟予抱險艱怵惕驚瀰漫窮
通泛濫勞趣適殊昏旦浴日盪層空浮天淼無畔依灘
落葉聚立浦驚鴻散浪疊雪峰連山孤翠一作紫崖斷風

帆同巨壑雲矗成高岫宇宙可

或一作

東西星辰沈粲爛

霞生頰洞遠月吐青熒亂豈復問津迷休為呂梁歎漂

沈自詎保覆溺心長判吳越郡異鄉嬰童及為翫依稀
占井邑嘹唳同鵝鶴舉棹未宵分維舟方日旰徵斯濟
川力若鼓凌風翰易狎當悔遊臨深罔知難

過鍾陵

余長慶三年除江西
觀察使奉詔不之任

龍沙江尾抱鍾陵水郭村

一作津

橋晚景澄江對楚山千

里月郭連漁浦萬家燈省拋雙旆辭榮寵遽落丹青起
愛憎惆悵舊遊同草露却思恩顧一霑膺

泝西江

江風不定半晴陰
愁對花時盡日吟
孤棹自遲從蹭蹬
亂帆爭疾競浮沈
一身累困懷千載
百口無虞貴萬金
空濶遠看波浪息
楚山安穩過雲岑

早發

沙洲月落宿禽驚
潮起風微曉霧生
黃鶴浪明知上信
黑龍山暗避前程
火旗似辨吳門戍
水驛遙迷楚塞城
蕭索更看江葉下
兩鄉俱是宦遊情

守滁陽深秋憶登郡城望瑯琊

山城小閣臨青嶂紅

江一作

樹蓮宮接薜蘿斜日半巖開

古殿野煙浮水掩輕波菊迎秋節西風急雁引砧聲北
思多深夜獨吟還不寐坐看凝露滿庭莎

滌陽春日懷果園閒宴

園中雜樹
多手植也

西園到日栽桃李紅白低枝拂酒杯繁艷只愁風處落
醉筵多就月中開勸人莫折憐芳早把燭頻看畏曉催
聞道數年深草露幾株猶得近池臺

悲善才

余守郡日有客遊者善彈琵琶問其所傳乃善才
所授頃在內庭日別承恩顧賜宴曲江勅善才等
二十人備樂自余經播遷善才已沒因追感前事
為悲善才

穆王夜幸蓬池曲金鑾殿開高秉燭東頭弟子曹善才

琵琶請進

一作奏

新翻曲翠蛾列座層城女笙笛

一作歌參

差齊笑語天顏靜聽朱絲彈衆樂寂然無敢舉銜花金

鳳當承撥轉腕攏

一作籠

弦促揮抹

一作霍

花翻鳳嘯

一作扶花

鳳翻天上來，裴回滿殿飛。春雪抽弦度，曲新聲發金鈴玉。

珮相瑳切流鶯，子母飛上林仙鶴。雌雄唳明月，此時奉

詔侍金鑾。別殿承恩許，召彈一作看三月曲江春。草綠九

霄天樂下，雲端紫髯供奉前。屈膝盡彈妙曲，當春日寒

泉注射隴水開，胡雁翻飛向一作翔天。沒日曛塵暗，車馬

散為惜新聲有餘歎。明年冠劍閉橋山，萬里孤臣投海

畔籠一作離禽。鍛翻一作羽尚還一作強迴飛白首，生從五嶺歸

聞道善才成朽骨，空餘弟子奉音一作宣徽。南譙寂寞三

春晚有客彈弦獨淒怨靜聽深奏楚月光憶昔初聞曲
江宴心悲不覺淚闌干更為調弦反覆彈秋吹動搖神
女佩月珠敲擊水晶盤自憐淮海同泥滓恨魄疑心未
能死惆悵追懷萬事空雍門感慨

一作徒為爾
琴瑟

聞里謠效古歌

鄉里兒桑麻鬱鬱禾黍肥冬有襪襦夏有絺兄鋤弟耨
妻在機夜犬不吠開蓬扉鄉里兒醉還飽濁醪初熟勸
翁媪

一作
媪

鳴鳩拂羽知年好齊和揚花踏春草勸年少

樂耕桑使君為我剪荆棘使君為我驅豺狼林中無虎

山有鹿水底無蛟魚有魴父漁子獵日歸暮

一作父子獵歸白日

暮月明處處春黃梁鄉里兒東家父老為爾言鼓腹那

知生育恩莫令太守馳朱幡懸鼓一鳴盧鵲喧惡聲主

吏噪爾門唧唧力烹雞豚鄉里兒莫悲吃上有明王

頒詔下重選賢良恤孤寡春日遲遲驅五馬留犢投錢

以為謝鄉里兒終爾詞我無工

一作却

巧惟

一作惠無私舉

手一揮臨路歧

轉壽春守太和庚戌歲二月祇命壽陽時替裴
五墉終歿因視壁題自墉而上或除名在邊坐
殿歿凡七子無一存焉壽人多寇盜好訐訐時
謂之凶郡獷俗特著蒙此處之顧余衰年甘躡
前患俾三月而寇靜暮歲而人和虎不暴物姦
吏屏竄三載復遭邪佞所惡授賓客分司東都
或舉其目或寄於風亦羸繼詩人之末云

未登崖谷尋丹竈且歷軒窓看壁題那遇八公生羽翼

空悲七子委塵泥，舊壇無復翔雲鶴。
廢壘曾經振鼓鼙，點檢遺編盡朝菌。
應難求一作永望一刀圭。

憶壽春廢虎坑，余以春二月至郡。主吏舉所職，稱霍山多虎，每歲採茶為患，擇肉於人。至春常修陷，竄數十所，勒獵者採其皮睛，余悉除罷之。是歲虎不復為害，至余去郡三載。

匪將履尾求兢惕，那效探雛所患爭。
當路絕羣嘗誠一作試，暴為貓驅獮亦先迎。
每推至化宣余力，豈用潛機害

爾生休逐豺狼止貪戾好為仁獸答皇明

壽陽罷郡日有詩十首與追懷不殊今編於後

兼紀瑞物

今止八首

肥河維舟阻凍祇待勅命

太和七年十二月

罷分符竹作閒官舟凍肥河擬棹難食藥苦心甘處困
飲冰持操敢辭寒夜燈空應漁家火朝食還依雁宿灘
西奏血誠遙稽首乞容歸病老江干

淮陽效理空多病踈受辭榮豈戀班陳力不任趨北闕

有家無處寄東山
瘦驂豈念前程稅
倦鳥安能待暮還
珍重八公山下叟
不勞重淚更追攀

別連理樹

盛唐縣有連理樹二株
一株生於長樂鄉
百姓地內從底兩枝
向上為一體一本生
於龍泉鄉百姓徐德
地內兩根隔澗水交
榦合為一體澗名香
風水澗一丈五尺

垂陰敢慕甘棠葉
附幹將呈瑞木符
十步蘭茶一作芝蘭同

秀彩萬年枝葉表皇圖芟夷不及知無患雨露曾霑自
不枯好住孤根託桃李莫令從此混樵蘇

虎不食人

霍山縣多猛獸頃常擇肉於人每至採茶及樵
蘇常遭啖食人不堪命自太和四年至六年遂
無侵暴雞犬不鳴深山窮谷夜行不止得攝令
和僕狀稱潛山縣鄉村正趙珍夜歸中路與虎
同行至家竟無傷害之意

南山白額同馴擾亦變仁心去殺機不競牛甘令買患
免遭狐假妄憑威渡河豈適他邦害據谷終無暴物非
爾效駟虞護生草豈徒柔伏在淮淝

發壽陽分司勅到又遇新正感懷書事

七年正月

八日立春在
壽陽凡四年

休為建隼臨淝守轉作垂絲入洛人罷閱舊林三載籍
又開新歷四年春雲遮北雁愁行客柳起東風慰病身
漸喜雪霜消解盡得隨風水到天津

初出淝口入淮

東風百里

一作五日

雪初晴淝口水開好濯纓野老擁途知

意重病夫拋郡喜身輕人心莫厭如弦直淮水長憐似

鏡清回首夕嵐山翠遠楚郊烟樹隱襄

一作憶層城

入淮至盱眙

山凝翠黛孤峯迴淮起銀花五兩高天外綺霞迷海鶴
日邊紅樹艷仙桃岸驚目眩同奔馬浦溢心疑覩抃鼇
寄謝雲帆疾飛鳥莫誇迴雁卷輕毛

憶東湖

南昌志洪州城內有大湖通章江名曰東湖

菱歌唱罷鷁舟迴
雪鷺銀鷗左右來
霞散浦邊雲錦截
月昇一作臨湖面鏡波開
魚驚翠羽金鱗躍
蓮脫紅衣紫萼推
淮口值春偏悵望
數株臨水是寒梅



御定全唐詩卷四百八十